

江華縣志卷之五

學校

御製義學

舊規書院

考棚學宮

文塔

崇祀均附

田額

國家尊儒重道作育人材凡海澨山陬罔不立之以學邑雖僻處楚邊而比屋之內橫經者不絕多士身列膠庠必有知所先務者茲謹爲敍錄
首尊

御製次列舊規中詳宮廟崇祀田額碑記至於講院所以造士考棚所以掄材以及射圃義學之與學校相表裏者咸附見焉洵煌煌乎鉅典也

江華縣志

卷之五

學校

一

御製

御製

舊載學宮後今謹冠篇首

順治九年

欽頒學校卧碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危

亡

一生員立志當學爲忠臣清官書記所載忠清事蹟務須互相講究凡利國家愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者適以自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切

江華縣志

卷之五

學校

二

御製

己之事止許家人代告不許干與他人詞訟他人亦不許牽連生員作證

爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

御製訓飭士子文

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢材蔚起庶幾棫樸作人之意乃比年士習未端儒效罕若雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長列宮

江華縣志

卷之五

學校

三

御製

牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義弗雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書無益若夫宅心弗淑行己多愆或蜚語流言脅制官長或隱糧包訟出入公門或唆撥奸滑欺孤凌寡或招呼朋類結社邀盟乃如之人名教不容鄉黨切齒縱倖脫褫撲濫竊章縫返之於衷寧無愧乎况鄉會科名乃掄才大典關係尤重士子果有實學何患困不逢

年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若資厥拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登進束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文

江華縣志

卷之五

學校

四

御製

玩愒弗儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業不修咎亦難追勿謂朕言之不預也爾多士尙敬聽之哉

康熙

聖諭十六條

敦孝弟以重人倫

篤宗族以昭雍睦
和鄉黨以息爭訟
重農桑以足衣食
尙節儉以惜財用
隆學校以端士習
黜異端以崇正學
講法律以儆愚頑
明禮讓以厚風俗
務本業以定民志

江華縣志

卷之五

學校

五

御製

訓子弟以禁非爲
息誣告以全良善
誠窩逃以免株連
完錢糧以省催科
聯保甲以弭盜賊
解讎忿以重身命

雍正

聖諭廣訓每月朔日府州縣官齊集士民在明倫堂宣講

乾隆四年奉

上諭士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所以汲汲皇皇者惟是之求而未嘗有志於聖賢之道不知國家以經義取士由聖賢之言體聖賢之心正欲使之爲聖賢之徒而豈沾沾爲文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得

志於科舉斯已爾所以汲汲焉愛日不倦以至於死而後已者果何爲而然哉今之士子不知此以爲苟足以應有司之求矣則無事乎汲汲爲也是以至於惰游而不知返終身不能有志於學而君子以爲非是之罪也使教素明於上而學素講於下則士者固將有以用其力而豈有不免之患哉諸君果能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察

闡然自修世俗之紛華靡麗無足動念何患文章聲譽之能奪志哉況爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應科亦不累也居今之世雖孔子復生也不免應科舉然豈能累孔子耶此言卽是科舉中爲己之學誠能如此則四書五經皆聖賢之精蘊體而行之爲聖賢而有餘不能爲己則雖經義治事而督責亦糟粕陳言無裨實用浮僞與時文等耳故學者莫先於辨志志於爲己者聖賢

之徒也志於科名者世俗之陋也國家養育人材將用以致君澤民治國平天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教爲學者知所以學

乾隆四十三年奉

聖諭文以明道自當以清真雅正爲宗曾諄諄訓諭而文風總未能醇蓋非一朝一夕之故本年會試闈中進士前十名卷朕詳加披閱文體較爲純正尙不失制藝之

本發榜後詢之大學士于敏中據奏近年風氣喜爲長篇又多沿用墨卷膚辭爛調遂爾冗蔓浮華卽能文者亦不免爲趨向所累等語士子平日殫心經術探討古文及時文諸大家以立其體作文尤須體會先儒傳說以闡發聖賢精蘊獨出心裁屏除習見語其文自然合度何必動輒千言因陳不察耶昔陸機云要辭達而理舉固無取乎冗長韓愈云惟陳言之務去二語實文章正鵠士子宜深味其言嗣後鄉會兩試及學臣取士每篇俱以七百字爲率違者不錄其庸熟墨派悉行剔除

江華縣志

卷之五

學校

八

御製

又或過爲新奇墮入牛鬼蛇神惡道尤在所澄汰操觚者慎毋掉以輕心司衡者各宜示以正軌務期風會蒸蒸日上以副朕崇雅黜浮之至意將此通諭康外知之
欽此

嘉慶八年奉

上諭管理國子監大學士劉墉等我國家

列聖重光以典學親

師爲首務羣士霑濡化兩泱髓淪肌朕紹承

大烈嘉慶三年卽舉臨雍之典八年於茲兢兢業業不敢

听夕愆忘今仰荷

洪慈武功葳事文教宜修首善之地尤加意焉夫學以明倫爲本土以喻義爲先倫不修而以文賁飾義不明而以利計私何以爲士子之倡乎學校之科條非不燦然顧或於倫物不躬行則三德六行皆空華矣或於義利不明辨則服古入官皆市道矣爾監臣可不孜孜以是導其國子爾多士可不汲汲以是臻於高明毋以爲迂闊而遠於事情毋以爲陳言而不求切近朕厚望臣工庶士滌濯其心誠勤無懈以培植賢才爲國楨榦焉各

江華縣志

卷之五

學校

九

御製

宜交勉

嘉慶二十三年奉

上諭卿祖培所奏請飭各省學政講明朱子全書以端士習一摺教化爲立政之本以正人心以厚風俗非特各省學政當講明正學以端士習卽督撫藩臬以至道府州縣各有治民之責皆應隨時化導俾小民遷善遠惡力返淳風宋儒朱子全書固足以闡明經術而五經及四子書炳若日星若在官者果能身體力行以爲編氓倡率亦何不可收世道人心之益朕前降諭旨令牧民

者惟以孝悌忠信禮義廉恥爲教民之先務直省大小官吏固能仰體朕意實力奉行廣爲勸諭使父誡其子兄誡其弟久之漸摩成習薰德而善良者眾日計雖不足月計則有餘也其有愚頑梗化之徒狃於邪說則明刑所以弼教化導與懲創相輔而行使民知畏法而生懼心卽漸知慕義而生媿心至於有恥且格則經正民興自無邪慝矣

康熙二十四年欽奉

御書萬世師表匾額

江華縣志

卷之五

學校

十

御製

雍正元年欽奉

御書生民未有匾額

乾隆元年欽奉

御書與天地參匾額

嘉慶元年欽奉

御書聖集大成匾額

道光元年欽奉

御書聖協時中匾額

咸豐元年欽奉

御書德齊覆幬匾額

同治元年欽奉

御書聖神天縱匾額

康熙二十五年

御製

至聖先師孔子贊 并序

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰遡前

江華縣志

卷之五

學校

十一

御製

徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勳業爛於一朝明道者教思周於百世堯舜禹
湯文武之後不有孔子則學術紛淆仁義湮塞斯道之
失傳也久矣後之人而欲探二帝三王之心法以爲治
國平天下之準其奚所取衷焉然則孔子之爲萬古一
人也審矣朕巡省東國謁祀闕里景企滋深敬摛筆而
爲之贊曰

清濁有氣剛柔有質聖人參之人極以立行署習察舍

道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷庭除試觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱墻高萬仞夫子之堂孰窺其藩孰窺其徑道不遠人克念作聖

康熙二十八年

御製復聖顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

御製宗聖曾子贊

洙泗之傳魯以得之一貫曰唯聖學在茲明德新民止

善爲期格致誠正均平以推至德要道百行所基纂承
統緒修明訓辭

御製述聖子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭愼獨成德之門卷之
藏密擴之無垠

御製亞聖孟子贊

哲人旣萎楊墨昌熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學

江華縣志

卷之五

學校

十三

御製

攸傳禹功作配

歷代學規

漢武帝時始詔天下郡國立學校官置弟子員三
年詔曰郡國曰學縣道邑侯國曰校校學各置經
師一人鄉曰庠聚曰序序庠各置孝經師一人東
漢永平二年詔郡國道縣行鄉飲酒禮於學校光
和元年始置鴻都門學梁天監四年詔立孔廟置
五經博士立州郡學唐六典魏晉以下郡縣並有
文學卽博士助教之任唐開元以後京都學生八

十人大都督中都督府上州各六十人下都督府中州各五十人下州四十人京縣五十人上縣四十人中縣下縣各三十五人下縣二十人宋慶歷四年詔諸路州軍監各令立學自是州郡無不有學始置教授以經術行義訓導諸生掌其課試之事而糾正不如規者熙寧六年始詔諸路學官兼委中書門下選差縣置博士助教各一人謂之主學官由漕司聘署弟子無定員大觀元年詔布周官八行八刑之法於學官令所在鐫刻淳祐六年

御書白鹿洞教條頒天下學立石明洪武元年始府設教授一員總司教事訓導四員分其程課州學正一員訓導三員縣置教諭一員視教授訓導二員二年頒諭言於天下學立石謂之卧碑令學者專治一經以禮樂射御書數設科分教三年定校射儀十五年定在京府縣生員六十人在外府學四十人州學三十人縣學二十人給廩膳仍免差徭二丁宣德中增廣生員數各正額而給廩膳謂之增廣生十二年於廩增之外復選俊秀附學

肄業謂之附學生十三年定提學官躬歷各學督率教官化導諸生仍置簿考驗其德行優文藝贍治事長者列上等簿或有德行而劣於經義或有經義而短於治事者列二等簿經義優治事長而德行闕者列三等簿若平日矚託公事或捏造謠歌興滅詞訟及敗倫傷化過惡彰著者不必品其文藝卽行革退嘉靖五年親撰敬一箴並頒宋儒程氏視聽言動四箴於天下學校立碑以淑生徒

學宮

明天順六年治遷今地建學治前率皆草創成化六年巡撫吳澄臨縣嘆其庠陋命闢而廣之道州同知蹇援始其事邑令唐維善訓導劉宏繼成之其制右爲

先師廟前爲東西廡爲戟門爲櫺星門門內左名宦祠右鄉賢祠左爲明倫堂爲崇德廣業齋爲儀門爲儒學門堂左爲啟聖祠爲敬一亭爲學倉爲教諭廨右爲訓導廨嘉靖四十四年邑令陶鑾隆慶二年邑令蔡光萬歷間邑令俞頤吉李英材劉時

徵李大捷疊次重修懷宗五年邑令彭弼薇移建縣治故守備廢署地規制如舊後盡燬

國朝順治十五年邑令林調鶴康熙二年邑令詹惟聖先後重修二十五年邑令高珍重建雍正十年

邑令鄭鼎勳移建南關外

即令沱江試院其故址

乾隆五十

八年邑令王玉輝復改建城內縣署東道光五年

邑令姚熊飛因

上諭亭供非其地以正殿改爲

萬壽行宮遷學宮於舊戎府署地咸豐間兵燹頻仍舊

江華縣志

卷之五

學校

十六

學宮

制盡圯同治四年邑令吳世勳率紳士王燦羨等以正心義學地基兌換遊擊署地在縣治左改建今學規模宏大煥然一新中爲

大成殿殿前兩旁爲鐘鼓樓又前爲東西廡爲戟門門之外左爲名宦祠右爲鄉賢祠前兩旁爲忠義節孝祠又前中爲櫺星門爲泮池爲園橋爲照壁左爲禮門右爲義路後爲

崇聖祠祠之後爲明倫堂爲訓導廡教諭廡在縣治右舊學宮地

康熙二十三年奉

上諭官民人等過廟下馬雍正二年頒定崇祀位次乾隆十八年禮部核改同治二年禮部詳議覈定序次奏請通行

正殿

至聖先師孔子神位正中南向木主高二尺三分座高四分闊四寸厚七分

寸長七寸厚三寸四分
硃地金書

四配

復聖顏子名回字子淵于魯人漢永平十五年祀均

江華縣志

卷之五

學校

十七

崇祀

以顏子配唐貞觀二年以孔子為先聖顏子配饗

述聖子思子名伋字子思鯉之子宋咸濶三年配祀端平三年思鯉之列哲子宋咸濶三年配

饗

在殿內東旁西向

宗聖曾子名參字子輿魯人唐開元八年從祀宋咸濶三年配饗

亞聖孟子名軻字子輿鄒人宋元豐七年與配饗

在殿內西旁東向木主均高一尺五寸闊三寸二分赤地金書崇聖祠主同

以上配位宋以前皆稱封爵元至順元年贈顏

子兗國復聖公曾子邾國宗聖公子思子沂國

述聖公孟子鄒國亞聖公明嘉靖九年改稱復
聖顏子宗聖曾子述聖子思子亞聖孟子

國朝因之

十二哲

先賢閔子唐名損元字八年騫從魯祀人

先賢冉子唐名開雍元字八年弓從魯祀人

先賢端木子唐名開賜元字八年貢從衛祀人

先賢仲子唐名開由元字八年路從魯祀人

先賢卜子經名商師從祀子夏元衛八年唐貞觀二十二年以

江華縣志

卷之五

學校

十八

崇祀

先賢有子名若國朝子乾隆三年唐開元八年從

在殿內次東窈西向

先賢冉子唐名開耕元字八年伯牛從魯祀人

先賢宰子唐名開予元字八年我從魯祀人

先賢冉子唐名開求元字八年有從魯祀人

先賢言子唐名開偃元字八年游從吳祀人

先賢□孫子年名從師祀子咸漳城人唐開元八年

先賢朱子元名熹字元晦七十一人漳宋建炎四年生慶

一國朝康熙五位十

在殿內次西窻東向寸木六主分均厚高一尺四分座高一寸二

六分長四寸厚二寸赤地墨書兩廡同

以上哲位宋以前皆稱封爵明嘉靖九年改稱

先賢某子

國朝因之有子朱子升列哲位從一例

東廡先賢

先賢公孫僑年左傳魯襄公八年始見昭公八年卒

先賢林放年魯從人祀唐於鄉元二國十七年從二祀年明嘉靖九年

先賢原憲唐字開子思二檀十弓七作年仲憲祀宋人

江華縣志

卷之五

學校

十九

崇祀

先賢南宮适元字二十容七魯年從唐祀開

先賢商瞿元字二十木五魯年發唐開

先賢漆雕開魯家語開子元答二察人史記

先賢司馬耕人字子元家二語十作馬黎祀

先賢梁鱣唐史記鱣元鱣二七字年叔齊人

先賢冉孺元字二十魚七魯年從唐祀開

先賢伯虔家語字子楷元開

先賢冉季元字二十產七魯年從唐祖聞

先賢漆雕徒父元字二十文七魯年唐祀開

先賢漆雕哆元字二十子劍七魯人從唐祀開

先賢公西赤元字二十子華七魯人從唐祀開

先賢任不齊元字二十子選七楚人從唐祀開

先賢公良孺元字二十子正七陳人從唐祀開

先賢公肩定元字二十子中七史記年作從堅祀定魯

先賢鄭單聊史城記人字唐子開家元家二語十作七縣亶從字祀子象

先賢罕父黑子家黑語唐作開宰元父二黑十字七子素從一祀字

先賢榮旂唐家開語元作二祈十字七子旂從魯祀人

先賢左人郢元字二十子行七魯人從唐祀開

江華縣志

卷之五

學校

二十

崇祀

先賢鄭國唐家開語元作二薛十邦七字子從祀魯人

先賢原亢魯字杭開家元語二作元亢字從子籍

先賢廉潔元字二十子庸七衛人從唐祀開

先賢叔仲會元字二十子期元文二翁十圖七作噲從家祀語魯

先賢公西輿元字二十子上七齊人從唐祀開

先賢邾異唐字開子元劍二家十語七作邦從選祀魯人

先賢陳亢元字二十子禽七魯人從唐祀開

先賢琴張衛一人作唐牢開字元子二張十家七語年從子祀開

先賢步叔乘朱字竹子垞曝書亭集元孔二十子弟七子年步從叔祀乘按

□
叔乘

先賢秦非元字子之魯人從唐祀開

先賢顏噲元字子聲魯人從唐祀開

先賢顏何嘉字靖子冉魯人唐開朝元雍正七年復祀明

先賢縣亶朝一雍正卽二鄭年單從祀國

先賢牧皮二年國從朝祀雍正

先賢樂正克二年國從朝祀雍正

先賢萬章二年國從朝祀雍正

先賢周敦頤六年茂叔年營五道人七宋濬天禧元年年從祀熙寧

江華縣志

卷之五

學校

二十一 崇祀

先賢程顥八年伯淳年洛陽人四宋濬明祐元年年從祀元豐

先賢邵雍甯字堯夫卒范陽人十大咸中濬祥三符四年從祀熙

西廡先賢

先賢蘧瑗卒字伯玉無考史人記左傳公魯十襄公十年孔子始主見

蘧伯玉家其從祀後明於嘉靖九年蓋改祀十餘年唐開

朝雍正二年復祀

先賢澹臺滅明元字子羽武城人祀唐開

先賢宓不齊元字子賤魯人從唐祀開

先賢公冶長齊字子長開家元語二葛七魯人從祀記

先賢公皙哀字季開沈元齊二人十史七年作從字祀季

先賢高柴字開子元羔二衛十人七年語從齊祀人

先賢樊須字元子十遲七魯年人從唐祀開

先賢商澤字元子十秀七魯年人從唐祀開

先賢巫馬施字元子開期元陳二人十史七年作從字祀子

先賢顏辛唐史開記元作二幸十字七年柳從魯祀人

先賢曹卣字元子十循七蔡年人從唐祀開

先賢公孫隴字元子十循七蔡年人從唐祀開

先賢秦商字元子十循七蔡年人從唐祀開

江華縣志

卷之五

學校

二十一 崇祀

先賢顏高字元子十循七蔡年人從唐祀開

先賢穰駟赤字元子十循七蔡年人從唐祀開

先賢石作蜀字元子十循七蔡年人從唐祀開

先賢公夏首字元子十循七蔡年人從唐祀開

先賢后處字元子十循七蔡年人從唐祀開

先賢奚容蒧字元子十循七蔡年人從唐祀開

先賢顏祖字元子十循七蔡年人從唐祀開

先賢句井疆字元子十循七蔡年人從唐祀開

先賢秦祖字元子十循七蔡年人從唐祀開

先賢縣成魯字子唐期開家元語二作十懸七年字從子祀橫

先賢公祖句茲人唐語開作元公二祖十茲七年子從之祀魯

先賢燕伋元字子思七秦人從唐祀開

先賢樂歛魯家語唐作開樂元欣二泰十人七史記從字祀子聲

先賢狄黑人一唐作開墨元家二語十作七字暫從之祀衛

先賢孔忠之字子子唐蔑開史元記二作十孔七子兄從孟祀皮

先賢公西葳唐字開子元尙二史十記七作子從上祀魯人

先賢顏之僕元字子子十叔七魯人從唐祀開

先賢施之常唐字開子元常二史十記七子恆從魯祀人

江華縣志

卷之五

學校

二十三 崇祀

先賢申枏周史記開作元申二黨十家七語作績祀字子

先賢左邱明一魯人以唐貞師觀從二祀十

先賢秦冉嘉字靖子元冉年蔡罷人唐國開朝雍二正十七年復祀祀明

先賢公明儀三年國從朝祀咸豐

先賢公都子二年國從朝祀雍正

先賢公孫丑正齊二人年從國祀朝雍

先賢張載十字子厚年郾五人宋天禧祐四年生從祀寧

先賢程頤元字正年卒叔洛陽七人宋明祐二年生從祀大觀

以上先賢位宋以前從祀者皆稱封爵明嘉靖

九年改稱先賢某子周張程邵五子嘉靖時稱

先儒崇禎十五年改稱先賢位在七十子之下

漢唐諸儒之上

國朝俱稱先賢不稱子

東廡先儒

先儒公羊高齊二人子夏弟從子唐貞

先儒伏勝唐貞子觀二鄒十一年秦從祀士

先儒毛亨楚年無考烈王受二詩十於五荀卿以授廢毛居菴陵史記

授漢興人三十國二年毛亨太則是御秦漢引問毛詩正義朝同治

江華縣志

卷之五

學校

二十四

崇祀

從二祀年

先儒孔安國博士侍國中唐貞觀一世孫漢武帝時為

先儒后蒼字近君東海靖九人漢宣帝時

先儒鄭康成名元高七密十人漢唐貞建觀二二生一建安從五

祀明嘉靖九年改祀於鄉

先儒范甯字武子鄆十陵三人唐晉貞成觀二五生一隆安祀五

明嘉靖九年改祀於鄉

先儒陸贄字敬輿嘉興十人唐天寶朝十道光六年永貞

祀

先儒范仲淹字希文吳人四宋端國拱朝元康熙五皇十祐四

祀年從

先儒歐陽修字永叔廬陵人六宋明景德靖四年生從熙祀甯

先儒司馬光字君實夏縣人八宋咸天禧三年生從元祀祐

先儒謝良佐字顯道上蔡人同宋稱元程門八年先進士生

十國九朝道從光祀二

先儒羅從彥字仲素延平人四宋明萬寧五年生紹興

祀從

先儒李綱字伯起邵武人八宋國元朝豐咸六年生紹興祀十

江華縣志

卷之五

學校

二十五

崇祀

先儒張栻字敬夫綿竹人八宋景紹定二年生從祀熙

先儒陸九淵字子靜金谿人四宋明紹興九年生從紹祀熙

先儒陳淳字安卿龍谿人六宋紹興二十三年生嘉

祀從

先儒眞德秀字景元浦城人八宋明正熙統五年生從端祀平

先儒何基字北山宋淳熙十年生咸從淳祀四年卒

先儒文天祥字宋瑞廬陵人九宋端平三年五月二

十國三朝道從光祀二

先儒趙復字仁甫北庭安當人列生元卒儒年之無首考以國宋朝端雍平

從正二年
祀

先儒金履祥字仁山 宋紹定五年生 元大德七年卒

先儒陳澔字可大 都昌人 宋景定二年生 元至正元年從

祀

先儒方孝孺字希直 甯海人 元至正十年生 明建文四年卒

從二祀年

先儒薛瑄字德温 河津人 明洪武二十五年生 天順八年卒

先儒胡居仁字叔心 餘干人 明宣德九年生 成化二年卒

祀

江華縣志

卷之五

學校

二十六 崇祀

先儒羅欽順字允升 泰和人 明成化元年生 嘉靖二十六年卒

從二祀年

先儒呂柟字仲木 西安人 明成化十年生 嘉靖二十一年卒

祀年從

先儒劉宗周號戢山 字啟東 山陰人 明萬曆六年生 八道生

從光祀二年

先儒孫奇逢字啓泰 容城人 明萬曆二十二年生 光緒朝國朝

從八祀年

先儒陸隴其字稼書 平湖人 明崇禎三十年生 雍正朝

從二年
祀年

西廡先儒

先儒穀梁赤 唐子貞夏弟觀 十字一元始從魯祀人

先儒高堂生 唐字貞伯觀 漢末一漢年初從魯祀人

先儒董仲舒 江廣都川相人 漢武帝順元初年年對祀策為

先儒毛萇 當大武毛帝公 時亨唐之貞子觀二人十漢一河年閒從獻祀王博士

先儒杜子春 二河十閒一人 年漢從永平初年年九十唐貞觀

先儒諸葛亮 十字二孔 年明卒南陽五人十漢四光和國四年雍正二興

祀年從

江華縣志

卷之五

學校

二十七 崇祀

先儒王通 二年仲卒淹 龍門十人陳一至德開二皇二生隋生義年甯

靖三十九年七從明祀嘉

先儒韓愈 年字退卒 年之五修十武七人宋唐元大豐歷七年生從祀長慶三

先儒胡瑗 年字翼卒 年之六泰十州七人宋嘉濶靖化九年生從祀嘉祐四

先儒韓琦 甯字稚年圭卒 安陽六人宋八大中國祥符元豐二年熙

祀從

先儒楊時 年字中立卒 年立八將十樂三人宋宏皇祐五年生從祀紹興五

先儒尹焞 二字年彥卒 年洛陽七人宋熙甯四年正紹興從十

祀

先儒胡安國 八字 康侯 卒年 崇安 十人 五宋 明熙 正甯 統七 二年 生從 紹興

先儒李侗 八字 愿中 卒年 七劍 十浦 一人 明宋 萬元 歷祐 四八 十年 二生 年隆 從興 祀元

先儒呂祖 八字 伯恭 卒年 四州 十人 五宋 景紹 定興 二七 年年 從生 祀漳 熙

先儒袁燮 同字 治和 七叔 年鄞 從縣 祀人 甯宗 初舉 進士 國朝

先儒黃榦 卒真 年卿 七宋 十紹 興二 朝十 雍正 二年 二生 年嘉 從定 祀十 四

先儒蔡沈 卒仲 年默 六建 十陽 四人 明宋 正乾 統道 二三 年年 從生 祀紹 定三

先儒魏了翁 元字 年鶴 卒山 年浦 六江 十人 宋國 漳熙 雍五 正年 二生 年嘉 從熙

祀

先儒王柏 年字 卒魯 年齋 七金 十華 八人 宋國 慶元 雍三 正年 二生 年咸 從漳 祀十

江華縣志 卷之五 學校 二十八 崇祀

先儒陸秀夫 日字 生君 祥實 興鹽 二城 年人 卽宋 元端 至平 元三 十年 六月 卒八

咸豐四年四月 從祀國朝

先儒許衡 十字 仲平 卒河 內七 人十 宋嘉 皇定 慶二 年年 生從 祀至 元

先儒吳澄 元字 年幼 卒清 臨川 八人 五宋 明漳 正祐 統九 八年 生從 祀元 嘉統

靖隆九年 罷祀國朝

先儒許謙 三字 年白 卒雲 年金 六華 十人 八元 至國 元七 年正 二後 年從 元

祀

先儒曹端 年字 卒正 年夫 五澗 池九 人明 國洪 朝武 咸九 豐年 十生 年宣 從德 祀九

先儒陳獻章 十字 三公 年輔 卒新 年會 七人 十明 三宣 萬德 歷三 十年 二生 年宏 從治

祀

先儒蔡清

字介夫 卒年五十六 福建人 明景泰四年生 正德二

先儒王守仁

字伯安 卒年餘五十七 明成化十八年生 嘉靖

先儒呂坤

字新吾 卒年八十八 嘉靖十年生 萬曆

祀年從

先儒黃道周

號石齋 漳浦人 卒年萬曆三十二年生 五

祀年從

先儒湯斌

字潛庵 睢州人 卒年天啓十七年生 國朝

祀從

江華縣志

卷之五

學校

二十九

崇祀

以上先儒位明嘉靖以前從祀者皆稱封爵嘉

靖九年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

以上正位明嘉靖九年於

大成殿後立

啓聖祠祀叔梁公

國朝雍正元年

詔封孔子先世王爵合祀五代更名

啓聖祠爲

崇聖祠

東配

先賢孔氏孟皮七年國朝咸豐

江華縣志

卷之五

學校

三十

崇祀

先賢顏氏十名無七年繇字季明淵之父唐開元二

先賢孔氏三名鯉從字伯明伋之父宋咸豐

西配

先賢曾氏七年皙參之父唐開元二

先賢孟孫氏名嘉激軻之父明

東廡先儒

先儒周氏萬名輔成敦頤之父明

先儒程氏年名珦灑頤之父宋景德三年生祀元祐

先儒蔡氏年名元定沈之父宋紹興五年生祀慶元

西廡先儒

先儒張氏

名迪 正載之二父 從祀國朝

先儒朱氏

名熹 之父 紹聖四年生 從祀 十三年

以上先賢先儒位明嘉靖時稱先賢某氏先儒

某氏

國朝因之

名宦鄉賢

明太祖洪武二年命天下學校皆建祠左祀賢牧

右祀鄉賢附祭廟庭世宗命天下有司學校備查

江華縣志

卷之五

學校

三十一 崇祀

古今名宦鄉賢果有遺愛在人鄉評有據者即入

祠祀

名宦祠

唐

知縣瞿公令問

宋

知縣黃公 炎

知縣許公 洄

知縣周公 暈

知縣童公碩孫

元

知縣雷公元

明

學使高公世泰通祀

知縣楊公守禮

知縣黃公伯通

知縣樂公汝剛

知縣姚公琳

江華縣志

卷之五

學校

三十一 崇祀

知縣唐公惟善

知縣吳公繼喬

主簿陳公彥思

國朝

總督郭公世隆通祀省傳

總督吳公璵通祀省傳

總督丁公思孔通祀省傳

總督李公輝祖通祀省傳

總督額公倫特通祀省傳

總督楊公宗仁志通有祀傳省

巡撫趙公申喬志通有祀傳省

巡撫陳公 瓚志通有祀傳省

巡撫李公發甲志通有祀傳省

提學蔣公永修志通有祀傳省

提學姚公漳壽志通有祀傳省

提學錢公 灃志通有祀傳省

提學祁公雋藻志通有祀傳省

布政郎公永清志通有祀傳省

江華縣志 卷之五 學校

三十三 崇祀

布政潘公 鐸志通有祀

守道張公仕可志通有祀

知縣李公 埴志通有祀

鄉賢祠

宋

通判唐公 開

文學費公 楷

明

推官蔣公 珪

縣丞趙公志科

先師生忌會約

江西學政何廷謙撰

凡學者之於孔子固貴乎尊其所聞行其所知不徒在崇奉之體拜奠之文也然人心必有所敬然後有所思思則蹶焉以興其敬也又不能無所因或過其里或入其廟或值其生卒之辰耳目所觸於此心有戚戚焉然後慢者以恭怠者以警其大較然矣顧學者散處四方其於東魯亦寥絕矣安得人登闕里之堂覩其車服禮器而廟貌徧天下

江華縣志

卷之五

學校

三十四

會約

多在郡邑治所歲春秋二時有司與學官主之附近諸生與於執事者數十人而已其餘遠難悉赴故有讀書數十年未嘗一進拜幾忘乎其爲孔子之徒者何其疏也至於其生其卒年月日時尙可如期各致其敬乃諸家紛紛紀載不一幾聚訟焉公羊傳謂魯襄公二十一年十一月庚子穀梁傳謂魯襄公二十一年十月庚子年同日同而月不同司馬遷史記謂魯襄公三十二年亦不同其後或主公穀或主遷其主公穀者司馬貞孔若古

洪興祖宋濂也其主遷者杜預胡舜陟孔宗翰羅泌也有謂周家改建其十月卽夏之八月有謂周家改建不改月月與夏無異其謂十月卽八月者羅泌也以子寅爲差其謂改建不改月者宋濂也引商建丑書稱惟元祀十有二月爲證有謂年七十三有謂年七十四其謂年七十三者司馬也以其爲襄公二十二年生歲在庚戌也其謂年七十四者羅泌與宋濂也以其爲襄公二十一年生歲在己酉也余則以其家譜斷之其家事蹟所述孔

子生周靈王二十一年庚戌卽魯襄公二十二年是年冬十月庚子卽今之八月二十七日卒魯哀公十六年四月乙丑哀公十六年卽周敬王四十四年壬戌四月乙丑卽今之二月十八日其年與遷同其月與穀梁同其日與諸家同其改建與羅泌同其謂年七十三亦與遷同鑿鑿不疑而年譜世表亦然夫年譜者其家之所自譜也世表者其家之所自表也焉有其家之所自譜自表而反不足據乎然則學者宜隨其所籍之邑所居之鄉各

約同志共聯一會每當此際以爲聖節而致祭焉其祭先期齋戒懸像中堂或置木主同人至拜而妥之次蚤起鋪陳品物從力所辦其拜祇如弟子拜師之儀拜獻畢敍少長相揖然後坐少頃執事者徹饌饌畢相與拜徹其像懼褻也以其餽餘燕示神惠也燕畢揖而別如此者歲率以爲常凡未祭前與旣祭後燕坐茶次則相與揚經推義戒淫泆飭廉隅所謂以文會友以友輔仁亦在其中矣重建儒學記宋道州刺史李韶撰

韶自少時側聞元使君頌江華山水過於九疑去年冬始來守州邑令許君洄時示韶以濂溪先生講授及後進課試之文觀其論說君臣父子夫婦兄弟朋友之懿與夫陰陽動靜仁義中正之理未嘗不慨然嘆息曰是近元公之居固宜流風遺韻如此蓋人物日改月化幾二百年矣居無何許君圖示先聖廟學謁韶記之按其圖則正殿巍然兩廡翼然傑閣東西齋轟然儒先有祠職掌有位其後又爲閣以謹御書之藏其下則講肄之堂又後

則齋宿之舍周立垣墻臺門之外爲更衣所規制宏麗經始於元年之春而成於今也其費併力於七鄉之士而倡於邑中士也不寧惟是又廣置腴田以豐稍食韶喜之甚因謂許君曰夫學者之學非前日相示以先生之所講授與後進之所課試者乎學不徒言語而已見之於行則致知格物誠意正心修身齊家治國平天下之事是也比年以來斯道不問雖庠序徧郡邑往往驟興忽廢設學官以董之猶不能必其興起蓋士有溫飽之圖久

矣然幸此邑無可利而士之謀生者甚微抑幸邑無可利而士之有志於道者益眾聖人之道益以不孤韶老矣異時歸卧閩山之下聞南楚學者有能明大學之旨嗣元公之續復修先聖之業者必江華士也本學舍之興尙於斯言有考云

新遷儒學碑明邑令彭弼薇撰

弼薇令江華之明年爲今上辛未謬有事於黌宮黌宮舊在城東南傾圯不蔽風雨而地勢庳下於形家言亦稍有不利邑諸生王士介何楚元陳奇

章蔣堯相王士省等請移於縣治之西布政分司署後改爲守備署經久邱墟者於是文詳道府以地相易輒荷允從隨命匠飭材經始於辛未十二月落成於明年之秋總大成殿明倫堂櫺星門啓聖祠齋廡閣亭泮池一一稱是是役也與予相度經營則有蔣堯相等而督理勤勩則典史樊奠國巡檢蕭應泰咸與有成勞云

修學碑記 國朝邑令林調鶴

志稱永陽山水奇秀俗嫻禮義尙韶歌斯誠然矣

江華縣志

卷之五

學校

三十八

學記

江華古馮乘地永之極邊際也界與富賀唇齒羣猺實逼處此保無漸染於殊俗者乎按而視之其籍於編戶者遵渠蹈閑不異上國而隸於學宮者被服造次彬彬然儒者何風之凜茂如載籍所稱歟斯固主持風會者令行化及較若畫一抑亦吾夫子之教昭垂天壤雖僻壤遐方無不沛然翔洽也是以學宮爲首善之地裡祀爲崇報之本雖代有變更而脫劍尙禮千百年未之或改誠莫大典也余受事茲土已及報政之年矣曩時謁廟習禮講

藝其中見風雨剝蝕丹雘凋落深引予咎會

天子右文當事重學以爲兵燹之後鞠廢必興檄下郡
邑力行修舉且工成紀敍紳士與民暨得褒錄所
以鼓舞責成之者甚至爰與司訓李君大千亟圖
其事任其費者余不敢不爲措置任其勞者則惟
李君之不遑寧處而諸生之賢者用以共勸斯舉
也啓土擇材工作始來庭廡以開積者平之圯者
營之闕者增之乃葺乃闢乃因乃新俎豆乃陳來
觀者之瞻矚於是煥然焉蓋兩閱月而厥工始竣

迺進多士於庭而告之曰吾儒誦法夫子旣明其
教亦明其報其不敢聽宮墻崇報地日就零替而
思亟修之也人有同心是卽吾夫子之教無日而
不在人心無遐而不溥被者也茲者祀典用光發
祥愈長禮義日興誦歌不絕相與倡明表率進而
頡頏名區何多讓焉濂溪理學實開關洛之先先
民是程斯役也夫斯志也夫李君曰是不可以無
記遂磨寒亭片石而書之時順治戊戌正月旣望
也

移建學宮碑邑令鄭鼎勳撰

勳奉調茲邑甫下車謁文廟見其地勢偏倚而不
中正棟宇侷促而多朽蛀慨然有志更新旋詣明
倫堂廣文先生循例領弟子員來謁勳卽以此意
開示諸生起而前曰疇昔江學徙不一所迨明天
順閒治遷今地隨移建於縣治左肩當此之時人
文蔚起掇巍科登士版者代不乏人及崇禎五年
邑侯彭公遷於茲百年之間廟貌闐然科第寂然
文風士氣靡然咸疑爲地勢之弗利欲移之久矣

勳聞言益勃然無何奉檄緝數巨盜移文兩粵會
捕未暇遽及幸賴

朝廷暨上憲威德以次就獲由是頑梗嚮化民謠樂
業咸欣欣有向善之意迺復謀諸符劉兩外翰并
集諸生卜地拓基鳩工庀材不逾兩月而遙觀厥
成焉蓋惟總理者公明而廉斷分司者奮勇而爭
先是以羣情服而百工悅用力勤而成工捷也其
尤異者方計議時原擬造兩石礮并兩石獅置
階左右以壯觀瞻乃程工伊始卽據白岸地方來

報掘地獲兩獅兩礫抬視質瑩白靡瑕上鑄明天
順年號體狀甚軒昂可用苟非先聖之靈默爲啓
佑何以不先不後掘獲於此際哉爰敍改建之由
暨獲獅礫之瑞勒石以垂不朽亦以見有志者事
竟成并爲將來科第蟬聯之一助云雍正拾年歲
次壬子季夏月知江華縣事襄平鄭鼎勳譔
改建縣署右側學宮碑邑令姚熊飛譔

國朝重道崇文以儒術治天下皇都鐘鼓首重

辟雍下邑絃歌徧興學校旣建極而錫福咸蹈德以詠

江華縣志

卷之五

學校

四十一學記

仁

列聖相承蒸蒸日上

臨雍釋奠親禮園橋樹厥風聲遠播寰宇今

上御極之二年舉行大禮并製

御論頒示天下峻極於天重明麗曰文德之隆古莫與
京矣而幅員之廣教化之宏凡荒陬遐澁八絃九
垓前代未隸版圖之地皆爲聲名文物之區莫不
設立邑縣者卽莫不崇建聖廟以隆祀典以昭文
治况永屬江華猶非荒徼之域哉飛幼習聖籍壯

登賢書成進士幸窺宮墻莫名富美丙戌春恭膺簡命補授斯邑下車伊始總理首事王登武以新建文廟告成請序端未以勒貞珉余閱舊志江邑文廟至此凡三遷而備兩善焉舊在城內縣署南次改建城外舊址地後乾隆五十八年復改建於城內縣署東合邑士紳以本邑未建

萬壽宮有缺典焉公請以戎府舊署改建文廟而卽以舊廟正殿式憑爲

皇殿今改建之新廟旣成而

江華縣志

卷之五

學校

四十二

學記

萬壽宮亦於焉告備廣至教也崇皇極也自乙酉六月經始丙戌六月蕝事凡正殿兩廡戟門甬道紅墻泮池櫺星門崇聖祠梓材丹雘礧礧墀堦俱一一就理廟貌維新焉統計費肆千餘金合縣共捐壹千零王登武自捐叁千零其督工任勞各有可紀而王之力爲多樂善之實亦有不可沒者蓋思巖巖之上亦產名材頑璞之中實藏拱璧江邑雖楚南邊疆彈丸黑子而羣峯拱翠勢蟠衡嶽之先九水環清流匯濂溪之秀建置垂數百載氣鬱鬱以

方佳生聚亦數萬家風泱泱而漸大豈無殊尤異
敏俊才碩彥生於其間哉患在俗不嗜學也方今
文明大啓率土同風粵海巖邑尙掇巍科語云部婁無
松柏豈篤論哉茲也文心結構文氣彌綸文境聿
新文光煥映文廟旣成斯文在天之靈必有默爲
佑相以造就羣材者都人士當思爭自濯磨羣相
淬厲爲眞儒爲義士裕明體達用之學儲經方致遠
之才驤首皇路振翼雲衢備國用而光鄉邑咸沐
浴於大聖人至教涵育之中以仰副乎

江華縣志

卷之五

學校

四十三

學記

聖天子雅化作人之盛乃爲不負作廟妥靈之舉也是
則江邑之厚幸也夫抑亦官斯土者之厚望也夫
新改建學宮記訓導李昌平撰
伊昔漢氏肇興用太牢祀至聖先師於闕里嗣是
膺圖受籙之辟咸祇將褒美聿昭隆儒重道之意
洪惟我

高宗純皇帝特命國學文廟易蓋黃瓦而海內承風百餘
年來雖遐陬僻壤屬在修建罔弗務極壯麗以來
稱

朝廷意旨

昌平

備員斯邑適其士大夫方從改建之

役既落成因得瞻矚其間見夫基址曠夷具俯視塵囂之概而左右林巒環拱遠峯前列攢簇峭拔川港迤邐來朝後則疊嶂連岡幄張屏樹山水之勝洵足儲英而毓秀矣迺其岩嶢博敞屹峙於中者則大成殿也朱序堅厚丹楹撐拄重檐四垂飛甍獨出吻獸奮而昂霄猛貌跼而踞地螭陛則等級分明櫺檻則曲折森布喬皇焜燿嚴密靚肅藉以揭虔妥靈良無忝焉殿後數武曰崇聖祠廣與

殿齊深得厥半高則三分有二自殿詣祠中治坦路上覆崇亭厯階以升六扇瓏玲闔闢其規模亦宏遠矣若夫並殿榮而降兩亭翼如賁鼓金鏞於焉棲託次乃接以兩廡東西儼對較若畫一棟宇曼延采飾絢爛蓋互相輝映焉而大成門復巋然崛起訖伉軒豁能容駿奔之士百數十人其齋宿之房庖湍之舍則左右是附從門沒階不及三尋爲櫺星門材取青砥琢磨光潤結搆峻整下睇泮水滉瀟澄澈規如半月甃以砥石緣以短垣中臥

登瀛之橋取唐貞觀時十八學士登瀛洲之義幸
詞也池側近上雙戶洞開爰資啓閉凡有事於廟
者偃僂出入無慮濟濟焉續繚赭墉與殿祠諸堵
綿亘參差電燵霞駁赫燁燭坤於戲盛哉閒嘗延
邑之搢紳耆宿而詳訪焉其締造之久已越三載
其錢幣所糜亦至數萬其出重貲以爲倡導者時
則有若王燦羨舒崇崑其殫心計以督工匠者時
則有若陳金誥楊紹關王貴安蔣折桂至於敝舌
焦唇諭眾輸助者則韓炳文徐汝謙楊振墮王明

江華縣志

卷之五

學校

四十五

學記

勳歐陽鍾耀蔣紹賓楊南金李錦明雷聖基唐之
元蔣桂英之力繁多揆日諏時剋期營構者則唐
爲煌之勞最著夫江邑夙號瘠土邇又頻經兵燹
乃諸君以鋒鏑躡躡之餘曾不吝財避瘁而恪襄
鉅舉詎不謂賢矣哉然余因是益知

聖朝作育之雅化誠深博無涯涘而先師之教澤不啻
太和元氣旁魄摩盪無瞬息之停彈丸之阻也故
覩縷誌諸以諗來哲云

學田附

上劉家塘田貳拾貳工半 下劉家塘田叁拾
柒工半 下車田捌拾工 石頭田拾工 神
崗田拾伍工 沙井田貳拾工 虎山下田肆
拾工 小貝村田拾工 新村田貳拾叁工半
猴山田拾伍工 溪江田肆工 小新村田拾
貳工 斜礮田拾工 磨頭田拾工 黃榜
洞田拾工 草坪田拾工 羊頭山田捌工
蓮山脚田肆拾工 扒崗田拾陸工 青寶山
田肆拾工 黃土巖田柒工 巖下田陸工

高橋茶山壹塊

以上共田肆百玖拾零半工糧載大同鄉三甲新
學附學兩戶下每歲共收租米肆拾陸石叁斗玖
升租錢叁拾柒千柒百貳拾壹文完餉銀肆兩陸
錢零壹釐均歸儒學經理

學額

廩膳生員二十名

廩糧膳銀
詳田賦

增廣生員二十名

歲試取進文生八名俱充附學生員武生八名
科試取進文生八名俱充附學生員同治四年邑

紳王德榜在江西統帶長左營以弁勇欠餉作捐

請廣原籍學額經江西巡撫沈奏准加廣永遠文

武學額各四名

新童學額三名

義學

正心義學

趙烈在縣治前址雍正二年邑令鄭鼎勳以

無嗣糧田復詳請作為唐吳二姓充公田租六年為

令劉世澤復詳請以為唐吳二姓充公田租六年為

歲修經費三宮十九年地兌給左營現建馬王廟

義學尙未建

江華縣志

卷之五

學校

四十七

學額

附義學田

驥馬塘田

租拾穀貳柒工石每年貳斗納

龍巖沱山下田

拾貳

工每年壹千壹百斤租禾

豐田洞田

肆工陸分每年納租穀貳石捌斗

牛屎田下洞田

拾伍工百陸拾斤租

麥田洞田

伍工

肆百年伍拾斤禾

洪溪洞田

拾捌百捌拾斤租

牛屎田青山井田

拾陸捌石零陸合租

太平寨

田拾壹千壹百貳拾伍斤禾

牛屎田白尼凹田拾叁

工每年柒斗肆升陸合肆

老禾橋田

柒工半每年納租穀貳石伍斗

伍合升

寶懺洞田

拾叁陸石每年叁斗

伍工塘田

拾參穀工陸每年
納租
南嶺洞田石玖捌工斗每年參升陸合穀貳

嶺脚洞田貳伍石工貳每年斗伍升租穀
沙井村洞田工伍

每年伍納拾租斤禾
牛屎田田石伍工斗每年柒升伍合穀壹

新寨青山井田拾柒石陸斗伍升租

以上共田壹百捌拾柒工壹分每年共收租

穀肆拾玖石玖斗貳升壹合租禾肆千肆百

陸拾伍斤原糧玖斗參升肆勺陸撮肆圭該

餉銀參兩零伍分陸釐貳毫肆絲此係余重熙案內田

營內田參工 社崽廟田貳工 卽竹廟田壹

江華縣志

卷之五

學校

四十八

義學田

工伍分 東山洞田捌工貳分伍釐 倉脚墟

田陸工 橋頭田壹工 涼傘田肆工 棊樓

洞田壹工 寺後背田伍工 香爐山田壹工

伍分 石洞田伍工 高背洞田拾壹工 瓦

窑頭田壹工 車田參工 油蔴榨田參工

下棉洞田貳工 源口田半工 下田松木田

玖工

以上共田陸拾陸工零伍釐每年共收租禾

陸千柒百柒拾捌斤原糧參斗零壹合玖勺

該餉銀玖錢捌分伍釐

此係唐
姓公田

白芒營田貳拾伍工 濫泥田拾肆工 太子

井田貳拾伍工 猪母橋田柒工捌分玖釐

離口田壹工陸分柒釐

以上共田柒拾叁工伍分陸釐每年共折收

租錢壹拾肆千柒百拾貳文該餉銀叁錢玖

分陸釐柒毫陸絲

此係吳
姓公田

總共餉銀肆兩肆錢叁分捌釐在於太平鄉

一甲及大同鄉四甲正心義學戶內完納

江華縣志

卷之五

學校

四十九

義學田

重修正心義學碑 國朝邑令歐陽柱撰

古之教者家有塾黨有庠州有序國有學其所以
俾之離經辨志敬業樂羣以幾於小成大成之域
者至詳且切義學之設與學校相表裏王化之本
而菁莪棫樸之選所由出也江華古馮乘地舊有
正心義學考之邑乘蓋雍正年間邑令鄭公鼎勳
遷之趙烈女祠而改焉者也余以辛卯冬莅任卽
清理田租詳定章程而館師東脩膏火始無虞匱
乏但爲舍止一楹旣卑隘不稱且傾圯殆甚余爲

之修葺者再然旋修旋圯每借別館卒業焉再四籌畫非重新大造不爲功雖前署令劉君詳請唐吳二姓充公田租錢壹百壹拾柒千文作修理費有案又乾隆三十五年租錢叁拾叁千文有簿但空存計賬之數實無貯庫之錢疊經移催而青蚨一去了不復反經營慘淡三年於茲矣余惟

國家重熙累洽久道化成菁莪棫樸之盛無閒遐邇江華雖處楚南極邊而山連九嶷之秀水匯濂溪之清陽華暖谷杜少陵元次山之流風餘韻猶存

文物聲名當不違遜他邑何至於今殊落落也問其所以離經辨志者非聖賢養正之規問其所以敬業樂羣者非君子觀摩之道豈非以啓迪無方師承無自安望其聯袂交袂相與刮摩淬厲以底於小成大成之域也哉則義學之建斷不容一日緩也爰照原案詳請重修遂竭蹙捐填以潰於成屋凡三楹統計十一間可容三十餘人顧庖湍無所未免缺畧爰以丙申年分獎賞修理之錢壹拾餘千文添造廚房側屋二間是役也經始於乙未

之夏竣工於丙申之春費白金之以兩計者二百二十有奇俾勒諸石以志顛末夫山川靈秀之氣積久必發吾知其必有奇偉英特之士聯翩而起以副

聖朝棫樸作人之化是則予之厚望也夫

書院附

濂溪書院

建在南關外乾元宮之左道光初

秀峯書院

穀即建錦岡年義司學給乾隆九年拾邑陸令陳嘉

錦田書院

穀即建錦田年義司學給乾隆九年拾邑陸令陳嘉

江華縣志

卷之五

學校

五十一

義學碑

三宿書院

八年上邑五堡義學乾隆三建十

考棚文塔附

沱江試院

十邑八年無邑考令棚舊試士於縣署登武唐嘉慶

等倡建於南關外舊學宮地規制大備中為道

前為儀門上建奎星樓前門外為廩保發結

照壁堂之後為文昌宮左為修德處右為明道

軒兩廂設立書室左右格物所右誠正齋同道

文塔

舊無同治八年邑令劉華邦諭紳士舒崇崑

蔣紹賓等倡建於東關外豸山紳士用七級